

बच्चियां ताई बाइबल पेस करदी ऐ

यीशु दा जन्म



Edward Hughes: दे जरिये लिखियो ऐ।

M. Maillot; Alastair Paterson: दे जरिये बणाई गई।

E. Frischbutter; Sarah S.: दे जरिये अनुकुलित।

Subramani N.: दे जरिये अनुवाद कित्ता।

Bible for Children
www.M1914.org: दे जरिये बणाई ऐ।

©2022 Bible for Children, Inc.

लाईसेंस: जाहलू तिकर तुहां इसा जो नी बेचदे हन, ताहलू तिकर तुहां
जो इसा काहणिया जो कोपी या परिट करणे दी इज्जाजत ऐ।

1

बड़ी पैहल्लें, परमात्में सुअर्गदूत जिब्राइल
जो मरियम नांऐ दिया इक्क कुआरिया
यहूदी कुडिया अल्ल घल्लेया था।
तिन्हीं तिसा नें गलाया, “तिज्जो
इक्क पुतर हुंगा कने तू तिसदा
नां यीशु रखेयां। सैह म्हान पुतर
कैहलांगा। सैह
हमेसा ताई
राज्ज करगा।”



2

तिन्हीं कुड़िया हरान होई करी पुछ्या,
 “एह किआं होई सकदा ऐ? में तां कुसी
 भी मर्द सौगी नी रेई कने में तां
 अहल्ली कुआरी ऐ।” सुअर्गदूतें
 मरियमा नें गलाया, कि सैह
 बच्चा परमात्मे दिया
 तरफा ते ओंगा।
 तिसदा कोई मानस
 पिता नीं हुंगा।



3

ताहलू सुअर्गदूतें
 मरियमा जो दस्सेया
 कि तेरी चचेरी बैहण
 इलीशिबा जो भी बुढापे
 च इक्क बच्चा पैदा
 होणा ऐ। एह भी इक्क
 चमत्कार था। इसते
 बाद मरियम इलीशिबा
 नें मिलणा गई। तिन्हां
 दूनीं मिल्ली करी
 परमात्मे दी सतुति
 फिती।



4

मरियमा दी मंगणी
 यूसुफ नांऐ दे इक्क
 माणुये नें होणे आली
 थी। यूसुफ दुखी था
 जाहलू तिसियो पता
 लग्गा कि मरियम
 इक्क बच्चे दी माँ
 बणने आली ऐ।
 तिन्हीं सोचेया कि
 इस बच्चे दा कोई
 होर मर्द पिता हुंगा।




5

सुपने च परमात्मे दे दूतें
 यूसुफे जो गलाया, कि एह
 बच्चा परमात्मे दा पुत्र ऐ।
 यूसुफ कने मरियमा जो
 यीशु दी देखभाल करणे च
 मदत करणी थी।



6

यूसुफें परमात्मे पर बसुआस कित्ता कने तिसदे हुक्मा दा
 पालण कित्ता। तिन्हां अपने देसे दे कानूनां दा भी पालण
 कित्ता। नौये कानून मताबक,
 यूसुफ कने मरियम अपने
 करा दा भुगतान
 करणे तांई



अपणे गांऐ बैहतलम जो गे।

7

मरियम दा बच्चे जो
 जन्म दैणे दा बग्त आई
 गेआ था। अपर यूसुफे
 जो कुत्थु भी कमरा नीं
 मिल्ला। क्जोकि
 सारियां सराईं
 भरियां थियां।



8

आखरी च यूसुफे जो इक्क घराल मिल्ली। तित्थु मरियमा बच्चे यीशु जो जन्म दिता। तिसिदिया माँऊ तिसियो इक्की खुरलिया च रखेया, इक्क ऐदेई जगाह जित्थु जानवरां जो खाणा रखा जांदा था।



9

तित्थु ते थोडी दूर चरवाहे अपणियां भेडडां दी रखवाली करा दे थे। परमात्मे दा दूत प्रकट होण्या कने तित्थु तिन्हां जो खुसखबरी सणाई। “अज्ज दाऊदे दे

सैहर बैहतलहमे

च तुहां
ताई इक्क
मुक्तिदाता
पैदा



होण्या ऐ, जेहड़ा
प्रभु मसीह ऐ।
तुहां बच्चे जो

खुरलिया च रखेया दिखगे।”

10

तिसते बाद, होर भी मते चमकदार सुअर्गदूत प्रगट होये, जेहड़े परमात्मे दी स्तुति करदे थे कने ग्लांदे थे, “परमात्मे दी महिमा कने सांति

धरतिया च
होयें,

कने माणुआं
ताई भलाई होयें।”




11

चरवाहे ताहलू ई जाणे ताई त्यार होई गे। बच्चे जो दिखणे ते बाद तिन्हां सबना जो दस्सेया कि अहां तित्थु गियो थे जेहड़े सुअर्गदूतां नैं यीशु दे बारे च गलाया था।




12

चालियां दिनां बाद यूसुफ कने मरियम यीशु जो यरूशलेम सैहरे दे मन्दरे च लेई गे। तित्थु इक्क शिमोन नांरे दे माणुयें तिस बच्चे ताई परमात्मे दी स्तुति किती, कने यहोवा परमात्मे दिया दासिया हन्ना भी तिसदा धन्यावाद किता।



13

दोयो जाणदे थे कि यीशु परमात्मे दा पुतर, कने मुक्तिदाता ऐ। यूसुफें परमात्मे जो भेंट करणे ताई दो पंछिया दी बलि किती। परमात्मे नियम-कानून च गलाया कि गरीब लोकां जो भेंट लैयोणा चाइदी, जाहलू सैह इक्क बच्चे जो परमात्मे सामणे पेस करदे हन।



14


कुच्छ बगते बाद,
इक्क तारा इक्क पूर्वी
देसे ते ज्ञानी लोकां
जो यरुशलेम सैहरे
च लेई गेआ।

तिन्हं पुछ्या, “सैह यहूदियां
दा राजा कुत्थु ऐ जेहड़ा पैदा
होएया ऐ अहां तिसदी भक्ति
करणा आयो हन।”



15

राजा हेरोदेसैं तिन्हं ज्ञानी
लोकां दे बारे च सुणेया,
तां हरान होई करी, तिन्हें
तिन्हं नैं ग्लाय़ा कि जाहलू
तुहां जो यीशु दा पता लग्गी
जांगा तां तिसदे बारे च
मिन्जो दस्सा। भिरी हेरोदेसैं
ग्लाय़ा, “मैं भी तिसदी
अराधना करणा चांहदा ऐ,”
अपर सैह झूठ ग्ल
दा था। कजोकि
हेरोदेस यीशु
जो मारणा
चांहदा था।



16

सैह तारा तिन्हं ज्ञानी लोकां जो तिसी घरे
तिकर लेई गेआ जित्थु मरियम कने यूसुफ
कने सैह बच्चा रैहदे थे। तित्थु
पुज्जणे ते बाद तिन्हं तिस बच्चे
दो अराधना कित्ती कने सोना
कने खुसबुदार
चीज्जा
भेंट कितियां।




17

परमात्मैं तिन्हं ज्ञानी लोकां जो
पडदे नैं घर वापस जाणे दी
चतौणी दिती। हेरोदेस गुस्सा
होएया, यीशु जो खत्म करणे दा
फैसला लेआ कने तिन्हें यरुशलेम
सैहरे दे सारे लोकके जागतां जो
मारी दिता।



18

अपर हेरोदेस परमात्मे दे पुत्र
जो कोई नकसान नीं पज्जाई
सकेया। भिरी सुपने च यूसुफे
जो चतौणी दिती, कि अपणिया
होणे आलिया लाडिया कने इस
बच्चे जो मिस्र देसे ते
सम्भाली करी लेई जा।



19

जाहलू हेरोदेस मरी गेआ
तां यूसुफ मरियमा कने
यीशु जो मिस्र देसे ते
वापस लेई
आएया।



20

सैह गलील प्रदेसे दिया झीला
अल्ल, नासरत सैहरे च रैहदे थे।

यीशु दा जन्म

परमात्मे दा वचन, बाइबला दी इक्की काहणिया

च पाएया जांदा ऐ

मती 1-2, लूका 1-2

"तेरे वचनां दी समझ मिन्जो जोती दिंदी ऐ।"
भजन 119:130

21



36



60

22

बाइबला दी एह काहणी अहां जो अहां दे
अनोखे परमात्मे दे बारे च दस्सदी ऐ जिन्हीं अहां जो
बणाया ऐ कने जेहड़ा सैह चांहदा ऐ कि अहां तिसियो जाणी पान।

परमात्मा जाणदा ऐ कि अहां बुरे कम्म कितेयो हन जिसियो सैह पाप ग्लांदा
ऐ। पाप दी सजा मौत ऐ, अपर परमात्में अहां नै इतणा प्यार कित्ता ऐ कि
तिन्हीं अपणे इक्कलौते पुतर, यीशु जो सूलिया पर मरणे तांई घल्लेया। तांजे
अहां अपणे पापां दिया सजा ते बची सकन। ताहलू यीशु दोबारा जिन्दा होएया
कने सुअर्गे जो चली गेआ। जे तुहां यीशु पर बसुआस करदे हन कने अपणे
पापां ते पश्चाताप करदे हन, तां सैह इआं करगा जाहलू सैह वापस ओंगा कने
तुहां सौगी रँहगा, कने तुहां तिस सौगी सदा तांई जिन्दे रँहगे।

मेरे प्यारे यीशु, मिन्जो बसुआस ऐ कि तुहां परमात्मा हन, कने मेरे
पापां तांई तुहां माणु बणी करी अपणे प्राण देई दिते, कने हुण भी तुहां
जिन्दे परमात्मा हन। करिपा करी नै तुहां मेरिया जिन्दगिया च ओआ कने
मेरे पापां जो माफ करा, तांजे में हुण नौई जिन्दगी पाई सकें, कने हर दिन
में तुहां सौगी रँह। तुहां अपणे हुक्मां जो मनणे तांई मेरी मदत करा
कने में अपणी जिन्दगी तुहां सौगी जी सकें। अमीन।

हर रोज बाइबल पढ़ा कने परमात्मे नै गल्लां करा। यूहन्ना 3:16

23